


Jens Nielsen  
Explicatio  
commentationis  
sacrarum literarum  
Rostock 1583



Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
LN 1189 4° copy 2








Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
LN 1189 4° copy 2





Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
LN 1189 4° copy 2



Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
LN 1189 4° copy 2

1, - 63

DA BOX

40





LN 1189

ex. 2


Det tidligere bind (fragment af et håndskrevet  
missale) er afleveret til HA 20.7.1992.






















153.

zibau gaff mptar fannu Kluckhinn unig fannu  
Lindum Roy to. 15. 950. 2. felle unig gnod. 950. 1189

N 1189

L 1189





ΕΠΙΔΕΙΓΜΑ  
SEV  
SPECIMEN COM-  
MENTATIONIS MEDITATIO-  
nisq; Sacrarum Literarum, in gratiam ty-  
ronum Gymnasij Asloënsis,  
explicatione

PRIMI CAPITIS GENESEOS  
Exhibitum  
A

IOHANNE NICOLAI, ASLOENSIS  
& Hammarensis Diœcesium in Norue-  
gia Superintendente.



ROSTOCHII

Typis Stephani Myliandri.

Anno Gratiae  
M. D. LXXXIII.



*Claudius Joachimi  
Heinsius  
Christianiae No-  
rigorini, die  
5 Septembris  
Anni 1689.*


*C. Joachimi Heinsii*



Reuerendo & clarissimo viro, pie-  
tate, doctrina, dignitate & humanitate  
singulari, cæterisque virtutibus  
præcellenti,

DN. M. FRANCISCO  
BERGIO, APVD ASLOENSES ANTI-  
stiti & Canonico Ripensi longe dignissimo, suo  
socero, amico ac domino summa semper  
obseruantia colendo,

S. D.

 Vanquam recens hic & acerbus  
animi dolor ac luctus incredibilis  
ex obitu charissimæ coniugis meæ  
susceptus, & negotiorum quibus  
inuoluor fluctus ac labyrinthi meis honestis co-  
natibus impedimentum iniiciunt, venerande se-  
nex, ita ut quibus ego verbis vel pares T. P.  
gratias agere, vel mei consilij rationem, quam in  
hac editiuncula secutus sum, rectè explicare pos-  
sim, non inueniam: Quia tamen & occasio po-  
stulat & res ipsa, ut pro tuis beneficijs, quæ latissi-  
me patent, & in me quoque profecta sunt pluri-  
ma, grata mentis specimen aliquod exhibeam:  
committere non possum quin cum honorifica tua  
digni-



dignitatis & laudis mentione, intentionis mea  
propositiq; rationem hic quàm breuissimè pate-  
faciam. Cum exploratè compertum haberem,  
quantopere referret, non modo seipsum pia me-  
ditatione & tractatione doctrinae cœlestis exer-  
cere, & ad studium benè in his terris viuendi  
exuscitare: verum etiam alios, præcipuè verò in-  
uentutem, quæ optima pars est generis humani  
& Ecclesie flos ac seminarium, ad præclara pie-  
tatis & laudandarum artium studia capeßen-  
da, vitamq; laudabiliter instituendam cohorta-  
ri: totum illud tempus, quod mihi à laboribus  
visitationis & multis alijs occupationibus, quas  
ingerit hæc functio, vacuum fuit, Musarum ex-  
ercitijs & sacris lectionibus impendere cœpi: ut  
me meosq; auditores ad hæc ipsa pietatis ac hu-  
manitatis studia excitarem. Cumq; diligen-  
ter mecum reputarem, quanam illius ~~uenerabilior~~  
preciosissimi, quod Deus immensa misericordia  
& inexhausta bonitate Ecclesie suæ contribuit,  
& in quò essentiam suam & voluntatem eidem  
reuelauit, præcipua pars esset, breuiter totam pie-  
tatis doctrinam ceu Aphorismis quibusdam  
A 2 comple-



complectens: animaduerti primum Mosis volu-  
men, & praesertim tria prima in eo capita, prae-  
cipua oracula continere, ad quae, velut fundamen-  
tum & scopum seu metam, tota reliqua Scriptu-  
ra, & omnes omnium piorum Ecclesiae Docto-  
rum lucubrationes, quibus illa suis euoluta sensi-  
bus illustratur, directae sunt: eandem sacrae Ca-  
nonicae Scripturae partem rudioribus pro mea te-  
nuitate expositam tradere constitui, eamque ob  
causam in primum saltem caput enarrationem  
hanc qualemcumque conscripsi. Et quamuis  
cum eam meditarer, non erat mihi animus: ut  
hac tam vilis inchoata atque imperfecta com-  
mentatio seu abortio potius, precipitatus editione  
publicaretur, praesertim cum infirmitatis ingenij  
& virium mearum imbecillitatis ipsemet opti-  
me mihi sim conscius, & extare non ignorem  
Lutheri, Chytræi & aliorum doctissimorum vi-  
rorum lucubrationes in hunc ipsum textum Bi-  
blicum, quem enarrandum suscepi, conscriptas:  
tamen euulgandam, tuoque nomini inscribendam  
esse duxi, cum ut eorum qui literarium hoc Gym-  
nasium in hac mea patria urbe frequentantes in  
studijs



iudij se exercet, aliorumq; amicorum petitioni & expectationi satisfacerem: tum verò precipue, ut tuum erga me paternum amorem cum liberalitate quadam satis prolixa & ampla coniunctum, meamq; in te vicissim obseruantiam hisce qualibuscunq; laborum meorum primitijs publice testarer: &, qui aliàs arcto affinitatis vinculo tibi adstrictus obligatusq; sum, nunc hac ratione tibi multò deuinctior ac commendatior forem. Quocirca te reuerenter & submisè rogo, ut cum non minus eruditionis, candoris & humanitatis singularis, omniumq; aliarum virtutum amplitudine, quàm dignitate & auctoritate, addo etiam, veneranda canicie, eximie decoratus sis, hoc qualecunq; literarium munusculum & hanc animi mei piam & gratam significationem benigno vultu, quo aliorum conatus honestos approbare soles, accipere & equi boniq; consulere digneris. Id si feceris, non parum mihi fiduciæ addes, susceptum negotium, Deo propicio & adiuvante, ad metam usq; perducendi. Quod si verò cuiquam in hac re ingenij mei vires minus consuluisse videbor, ab eo per-

A 3

amanter



amanter & obnixè peto, ut non vires, sed voluntatem meam aestimet, & conatum, qui sum etiam in rebus arduis, modò sit honestus, apud omnes probos laudem meretur & inuenit. Si qua mihi esset animi vis & ingenij robur ad huiusmodi negocia conficienda, id omne occupationes continua & crebra interpellationes facile mihi adimerent, præsertim in hoc ægritudinis & acerbitatis meæ casu, qui quantus sit, & tua paternitas optimè nouit & sentit, extincta filia sua, erga quam fuit magnum amoris incendium, & omnes pij parentes & coniuges, præsertim illi quorum pectoribus sogys Deus flagrantiores ingenerarat, facile cogitatione comprehendunt. Non enim (ut eleganter & verè Poëta cecinit) dolor est maior quàm cum violentia mortis unanimi soluit corda ligata fide. Sed meam voluntatem cælestis & generis humani amantissimi Patris voluntati propiciæ reuerenter subijcio: qui eam, quam dederat mihi fidam vitæ sociam, piam, honestam, pudicam, sobriam, industriam, quamq; suo sapienti consilio ex hac ærumnosa lachrymarum valle ad suæ diuinæ lucis



eis, sapientia, iustitia & vita aeterna fruitionem,  
die mensis Februarij 12. hora 4. matutina euoca-  
tam traduxit, in nouissimo die, qui dies est resti-  
tutionis omnium, mihi benigne restituet. Inte-  
rim virtutum & meritorum eius, dulcissimaq;  
consuetudinis, cuius fructum 20. ferme annos  
percepi, quo ad vixero recordabor: & Deum to-  
to pectore precabor, ut in his arumnis & dolori-  
bus nos consoletur, erigat ac sustentet, & ex pra-  
sentibus confusionibus ac periculis Ecclesiae &  
Reipub. Christianae imminentibus liberet, ac no-  
bis inuidariorum & iniquia seu felicem & faustam  
ex hac vita migrationem, cum inuocatione &  
celebratione sui sanctissimi nominis, ad caelestem  
Paradisum & veram ac dulcem patriam no-  
stram clementer largiatur. Vale charissime So-  
cer una cum familia tua, venerando collegio, &  
tota Ecclesia, quam Christus mediator & ser-  
uator noster regat, & semper umbra manus suae  
protegat ac conseruet. Amen. Data Asoloia  
die 4. Aprilis, quo die S. Ambrosius Antistes  
Mediolanensis & dominici gregis custos vigi-  
lantissimus, Christianaq; Religionis propugna-  
tor acer-



tor acerrimus, post multos labores & dolores  
exantlatos, variaq; certamina, quæ forti & con-  
stanti animo diu sustinuit, tandem in vera Iesu  
Christi filij Dei agnitione & inuocatione ex hac  
erummosa vita ad cœlites migravit, ante annos  
1182. facta numeratione ab hoc presenti anno  
Christi redemptoris. 1583.

T. P.

addictiss.

Johannes Nicolaj.



CLA-



CLARISSIMO VIRO, DOCTRINA, PIETA-  
te & virtutibus ornatissimo, Magistro IOANNI  
NICOLAI, Dioecesium Afloënsis & Hamma-  
rensis Superintendenti vigilantissimo, a-  
mico meo ac affini omni semper  
obseruantia colendo.

*Salutem eternam in filio Dei Domino  
nostro Iesu Christo.*



Vantum in mœrorem, Reuerende Domi-  
ne Superintendens, amice ac affinis aman-  
tissime, nuncium id nimis triste de obitu  
dilectissimæ coniugis præstantiæ tuæ, sororis nostræ ca-  
rissimæ, nos coniecerit, dici vix potest. Literas filio-  
li tui Christophori, querelarum ac lamentorum plenis-  
simas (nam eas primùm in manus sumpsi) legere sine  
lachrymis non potui. Quis n. hic à fletu temperaret  
nisi à seipso aliquis, & talis & qui omnes affectus hu-  
manos prorsus exuit. Non itaq; mirum mihi videtur  
quòd maritum charissimum in luctu acerbissimo nunc  
versari audiam. Est ita natura comparatum, vt amis-  
sionem amicorum, eorum maxime quibus cum familia-  
rissime & coniunctissime viximus, feramus quàm gra-  
uissime. Nam si columbis rationis expertibus eam na-  
tura affectionem inseuit, vt comparem quouis amissum  
casu, querulo requirat gemitu: quid de hominibus  
censendum est ijs præsertim, quorum pectoribus na-  
tura

B

tura



turæ author Deus σογγὰς flagrantiores multo inge-  
nerârat, ij certè à natura generosa nihil alienum vi-  
dentur admittere, quòd in comparis sui decessu, gra-  
uiter afficiantur. Dolorem igitur talem ac luctum  
quoniam σογγὴ ardentior exprimit, non modò sapientes  
Ethnici saniores concedunt, sed probant etiam sacræ  
litere, ut exempla passim occurrentia, itemq; senten-  
tiæ multæ insignes testantur. Vnde & S. Paulus lu-  
ctum admittit in amicorum decessu, sed vult tamen mo-  
deratum esse nec nimium, qualis est gentium, quæ  
spem non habent. Nihil igitur magis hic humanissime  
affinis optârim, quàm ut præstantia tua crucem hanc  
æquius et moderatius ferat, ac omnes tristes cogitatio-  
nes animo penitus euellat. Quod eni uxor charissima  
hoc tempore hoc modo ad cœleste sanctissimorum ange-  
lorum & animarum contubernium euocata sit, oracu-  
la diuina certissimos nos reddunt, id ita Deo sciente et  
volente factum esse, qui pro æterna sapientia numerum  
mensium nostrorum in conspectu habet, ac numerum die-  
rum ac tempus cuiq; præscripsit, qui item pro immensa  
& inexhausta bonitate ac misericordia, nostri curam  
indefessam gerit. Est pater noster cœlestis, qui nos  
σογγὴ infinitis partibus ardentiore quàm vlla mater  
etiam quæ σογγὴν infantem uteri sui tenerrimum com-  
plectitur



plectitur. Quem suum nostri amorem non modò in  
creatione, gubernatione, conseruatione, sustentatione,  
voluntatis suæ propitiæ reuelatione, sed maximè mis-  
sione filij unigeniti in carnem & alijs donis & benefi-  
cijs spiritualibus & corporalibus abundè declarauit,  
indiesq; declarat. Quod cum ita sit, non dubium est ob-  
emolumenta certa ita factum esse. Vixit coniunx sua-  
uissima, & ante matrimonium, & postquam fœdus  
ad connubij sanctissimum inijt, in timore Dei, humili-  
tate, patientia, inuocatione assidua. exercitia pietatis  
publica & priuata nunq; intermissa sunt, obedientiæ  
parentibus & marito debitæ nihil usquam decessit,  
adfuit modestia, adfuit grauitas morum suauitate tem-  
perata, amoris ac fidei coniugalis semper memor, labo-  
rum, molestiarum, curarum (quæ non pauca œcono-  
miam administrantibus hoc præsertim infelici ac infido  
operarum seculo sese ingerunt) fidam simul ac sedulam  
se sociam declarauit, in rebus tristibus solatium præ-  
sentissimum extitit, in dubijs & perplexis consilium tu-  
tissimum ac promptissimum, quin adiutorium diuinum  
prestitit. Post varios vocationis labores exantlatos  
voluit Deus in hoc partus opere vt verè admirando  
ita longè difficillimo, eam miro spiritus sui sancti ro-  
bore firmatam, superato agone acerrimo, præcipua-

B 2

rum



rum virtutum ut viua & exporrecta in filium Dei  
verum omnium propiciatorium fiducia, inuocationis  
ardentissimæ, patientiæ admirandæ, perseuerantiæ  
singularis insigne exemplum omnibus esse, quod imiten-  
tur, atq; ita demum huius vitæ miserijs, aduersitatibus  
periculis exemptam, æternæ vitæ bonis inæstimabili-  
bus, diuina luce, sapientia, iusticia & gaudijs veris,  
sinceris, perfectis, perpetuis cumulari. Quia igitur  
Deo patri nostro clementissimo ita visum est, decessus  
hic felicissimus et lætissimus habendus est. Si diuinæ  
sapientiæ alius visus fuisset commodior, cū indubie (ut  
inenarrabilis est bonitatis) concessisset. Eo igitur nos  
solemur, et consilium diuinū quo id ita factum est, grati  
recolamus, simulq; ardentibus votis precemur Deum,  
ut is nobis etiam spiritu suo adesse, nos regere dignetur,  
ut cū hora nouissima aduenerit, viua fiducia et inuo-  
catione ardenti in Christi sinum nos reclinare, eiq;  
spiritus nostros commendare possimus. Video qui-  
dem crucem hanc, præstantiæ tuæ, optime Domine  
Superintendens perq; acerbam esse: sed ea tamen non  
caret veris magnarum utilitatum fructibus, ut ex ver-  
bo Dei liquet. Scio quoq; virtutum earum, quibus  
ornabatur coniunx, summæ item animorum vestrorum  
coniunctionis memoriam, per sæpe recurrere, inæstima-  
bilem



ansam non exiguam præbere. Sit ea potius causa do-  
lorem leniens, vel amouens etiam. Nullum unquam  
voluntatum vestrarum vel tantillum auditum est dis-  
sidiolum. Voluit ea cum in viuis hic ageret, ut ma-  
ritus charissimus munia vocationis arduæ necessaria  
lætus obiret, ne remoram ullam negocijs publicis pri-  
uatisue expediundis cogitationes tristes obijcerent. Ita  
minime dubium est animæ in manu Dei nunc agentis  
eandem omnino voluntatem esse, ut maritus superstes,  
nullo mœrore, nullis angoribus se maceret sui decessus  
causa: cui si impendantur, nihil prosint: impendenti ve-  
rò obsint plurimum: sed multo magis diuinæ se volunta-  
ti reuerenter subiiciat, tristitiam omnem remoueat, a-  
nimum veris solatijs et verbo Dei petitis, amicorumq;  
colloquijs suauius recreet ac confirmet, quo sic com-  
modius in vocatione sublimi, gloriæ Dei, Ecclesiarum  
multarum salutis promouendæ, liberorum item suorum  
et amicorum vsibus necessarijs seruiat. Ab hac  
eius voluntate diuinæ omnino conformi, cui vota quoq;  
accedunt reuerendi senis soceri nostri omni obseruantia  
dignissimi, liberorum dulcissimorum et amicorum, qui-  
bus opera tua in primis opus est, si etiam hic præstan-  
tia tua non recesserit, argumentum id erit certissimum  
non oblitteratæ, sed post funera etiam durantis ac

B 3,

maxi-



maximè vigentis veræ animorum vestrorum concordi-  
diæ, quæ ut ante hæc nunquam infructuosa fuit, ita  
nunc non proprij modò corporis incolumitati, sed &  
Ecclesiarum harum ac necessariorum utilitati optime  
consulet. Explodatur igitur rogo amanter & quam  
maximè possum, charissime affinis, optime Domine  
Superintendens, spiritus tristis qui exiccat ossa. mœ-  
rorem omnem ac cogitationes mœstas, quoties obre-  
punt, excutiant protinus tum iucunda amicorum (ut  
dixi) colloquia, tum consolationes diuinæ suauissimæ,  
quibus & pium præstantiæ tuæ pectus abundare scio,  
& opus illud aureum viri omni laude dignissimi Chy-  
træi de morte & vita, est refertissimum. Quod  
resundis preciosissimi, quod continet, & authoris quoq;  
ipsius nomine noui præstantiæ tuæ esse acceptissimum.  
Precor votis intimis æternum patrem Domini nostri  
Iesu Christi, ut is per eundem filium suum vnigenitum  
spiritus sui gratia præstantiæ tuæ semper adesse, eamq;  
suo robore confirmare velit in gloriam nominis sui  
sempiternam, & Ecclesiarum harum emolumenta per-  
petua ymn. His festinanter exaratis valeat præ-  
stantia tua cum liberis charissimis & tota familia  
quàm felicissimè. Tonsbergiæ, 17. Martij.

Anno Domini 1583.

Erasmus Ceruinus.



# ARGUMENTVM PRI mi capituli Geneseos.

DEVS sex dierum spacio per verbum condidit cœlum,  
terram ac creaturas omnes, quibus hominem ad imaginem  
suam formatum præfecit, vt iis vteretur ac dominaretur.

## OECONOMIA SEV DISPO- sitio I. Cap.

Locos 4. præci- puos, quorū	1.	est de	Deo; deq; S.S. Trinitatis mysterio.
	2.		Creatione Mundi & rerum omniū.
	3.		Imaginem Dei, ad quam in initio conditus est homo.
	4.		Providentia.
Distingui- tur hoc ca- put in	10.	Specia- liter a- gitur de	generalis fit mentio creationis cœli & terræ.
	2.		Terra & abyſſo.
	3.		Luce.
	6.		Firmamento siue cœlo.
	10.		Appellationibus terræ & ma- ris.
	14.		Luminaribus, nempe Sole, Lu- na, deq; stellis.
	21.		Piscibus & volatilibus.
	24.		Iumentis seu bestiis terræ.
	26.		Formatione hominis.
	29.		Vi generandi homini diuinitus inſita, deq; eius dominio in reliquas sibi ſubiectas creatu- ras.
Et ver- sus 31. quo- rum	30. & 31.		Providentia Dei de victu.



## EXPOSITIO TEXTVS.

**I**N principio creauit Deus cœlum & terram) Hic Moses breuiter commemorat, vt in initio, hoc est primo die creationis, cum adhuc neq; tempus neque res vlla essent, præter Deum æternum & immensum, Mundus sit conditus. Numerantur autem ab eo tempore quo cœpit mundus, anni 5545. vsq; ad hunc præsentem annum Christi 1583.

Locus primus de Deo. cuius descriptio traditur quod sit essentia spiritalis, æterna, sapiens, libera, omnipotens, bona, verax & iusta, quæ est Deus æternus Pater, qui ex sua substantia dicendo seu cogitando, genuit filium cœternum, consubstantialem imaginem sui: Et filius ab æterno à patre genitus *χαρὰν τῷ πατρί ἀπαύλαστος τὸ αἰδίον πᾶσι θεός*: Et Spiritus sanctus ab utroq; procedens, fouens ac viuificans omnia. vel breuius: Deus est spiritus, vnus essentia, trinus personis, Pater, Filius & Spiritus sanctus, qui cœlum & terram, & res omnes ex nihilo condidit, regit, sustentat ac tuetur, quiq; in genere humano ad suæ imaginis similitudinem condito, sibi colligit in his terris ecclesiam, à qua in omni æternitate agnoscatur & celebretur.

Quod autem Deus sit vnus & non plures, & nihilominus personarum pluritas sit in vna diuina essentia, Moses ostendit, dum non modò trium personarum, Dei & verbi seu λόγος ac Spiritus sancti meminit, verum etiam peculiari quadam phrasi utitur inquit *בראשית ברא אלהים* Beresith bara elohim, quod sonat, si latine ad verbum reddas, in principio creauit Dñ. In qua phrasi, cum tres primæ literæ initiales duarum primarum vocum, quibus historiam suam orditur Moses, nomina trium personarum diuinitatis, quæ sunt, בן Ben



Ben, filius: רוח Ruah, spiritus, אב Ab pater, venustissi-  
mè complectantur: non dubium est mysterium S. S. trinitatis  
in ea latere: Cumq; verbum singulare respondeat voci plu-  
ralis numeri, utiq; significatur, vnam quidem esse diuinam  
essentiam, sed in ea plures personas. Vt enim Sol vnus est,  
in quo tamen tria considerantur & insunt, corpus solis seu ipsa  
solis essentia, & lux seu fulgor, & inde procreatus calor: Ita  
tres illi, Pater, Filius & Spiritus sanctus, sunt quidem tres  
personæ, sed vnus solus verus Deus. Vtq; anima suas habet  
potentias, de quibus singulis prædicari potest, quod sit anima,  
& nihilominus vna tantum est anima, & non plures, licet  
plures eius sint potentie: Sic Deus vnus quidem est quoad  
essentiam, sed trinus in personis.

Hanc Mosi phrasin interpretatur Iohannes Euangelij  
sui 1. cap. inquit, In principio erat verbum. & Paulus  
quoq; Coloss. 1. Transtulit nos in regnum filij sui. & Heb: 1.  
Deus postremis temporibus locutus est patribus. Huc &  
alia referenda sunt scripturæ testimonia, quæ euidentissimè pro-  
bant, primum, quod Deus sit vnus in essentia, & præter quem  
non sit alius. Et sunt hæc præcipua: Exodi 3. Dixit Domi-  
nus ad Moysen, Ego sum qui sum. Deut. 4. Quoniam Domi-  
nus ipse est Deus, & non est alius præter vnum. Item 6.  
cap. Audi Israel, Dominus DEVS noster Deus vnus est.  
Et cap. 32. Videte quod ego sim solus, & non sit alius Deus  
præter me. 2. Reg. 7. Magnificatus es Domine Deus quia  
non est similis tui, neq; est Deus extra te, in omnibus quæ au-  
diuimus auribus nostris. 3. Reg: 8. Sciant omnes populi terræ  
quia Dominus ipse est Deus, & non est ultra absq; eo.  
Sap. 12. Non est alius Deus quam tu, cui cura est de omni-  
bus, vt ostendas quoniam non iniuste iudicis iudicium. Esai:  
37. Domine exercituum Deus Israël, qui sedes super Cheru-  
bin, tu es Deus solus omnium regnorum terræ, tu fecisti cæ-  
lum



lum & terram. Item 43. Ante me non est formatus Deus,  
 & post me non erit, ego sum, ego sum Dominus, & non est  
 absq; me saluator. Item 44. Ego primus & ego nouissimus,  
 & absq; me non est Deus, quis similis mei? Hec dicit Domi-  
 nus redemptor tuus, ego formator tuus ex utero, ego sum Domi-  
 nus faciens omnia, extendens coelos solus, stabiliens terram &  
 nullus mecum. Item 45. Ego Deus & non est amplius, extra  
 me non est Deus, accinxi te & non cognouisti me, ut sciant hi  
 qui ab ortu solis, & qui ab occidente quoniam absq; me non est  
 Deus, ego Dominus & non alter. Ose: 13. Ego Dominus  
 Deus tuus ex terra Aegypti, & Deum absq; me nescies, &  
 saluator non est prater me. Tob. 8. Quia tu es Deus solus  
 in uniuersa terra. Item. 13. cap. Non est alius omni-  
 potens Deus prater eum. Ecclesiastici 36. Nos cognouimus  
 quoniam non est Deus prater te Domine. Ioh. 17. Hec est  
 vita aeterna, ut cognoscant te solum verum Deum & quem mi-  
 sisti Iesum Christum. 1. Cor. 8. Etsi sunt qui dicantur Dii,  
 siue in caelo siue in terra, (siquidem sunt Dii multi & Domini  
 multi) nobis tamen est vnus Deus, pater ex quo omnia &  
 nos in illum, & vnus Dominus Iesus Christus, per quem omnia  
 & nos per ipsum. Item cap. 12. Diuisiones gratiarum sunt  
 idem autem spiritus, & diuisiones ministracionum sunt, idem  
 autem Dominus, & diuisiones operationum sunt, idem vero  
 Deus, qui operatur omnia in omnibus. Galat. 3. Mediator  
 vnus non est, Deus autem vnus est. Ephes. 4. Vnus Deus  
 & pater omnium, qui est super omnes & per omnia, & in o-  
 mnibus nobis. 1. Timoth. 2. Vnus enim Deus, vnus &  
 mediator Dei & hominum homo Christus Iesus.

Deinde quod sit trinus in personis hac probant testi-  
 monia, primum, quae in hoc volumine Mosi habentur. Genes. 1.  
 Dixit Dii: Faciamus hominem in imagine NOSTRA.  
 secundum similitudinem NOSTRAM. Et cap. 19. Pluit  
 Dominus



*Dominus à Domino sulphur, Dominus Iehouah essentiale Dei nomen est, sed bis repetitum personarum pluralitatem innuit. Alia enim est persona pluens, alia à qua pluit. Deinde Psal. 33. Verbo Domini cœli firmati sunt & spiritu oris eius omnis exercitus eorum.*

*Sed magis conspicua sunt testimonia de trinitate in nouo Testamento, Matth. 3. & Ioh. 1. Vbi mentio fit baptismi Christi, in quo tres persone diuinitatis manifestantur. Similiter etiam in clarificatione Christi distinctè apparent, astat Filius qui baptizatur & transfiguratur, Spiritus sanctus se reuelat, hic in nube lucida, quæ eos obumbravit. Matth. 17. Luc. 9. illic verò in specie columbæ: Et vox Patris de cœlo & nube loquentis auditur, inquit: Hic est filius meus dilectus. Deinde & Christus ipse probat, his verbis baptismum instituens Baptizate eos in nomine Patris & Filij & Spiritus Sancti. Et Paulus. 2. Cor. 13. Gratia Domini nostri Iesu Christi, & charitas Dei, & communicatio Spiritus sancti sit cum omnibus vobis. Hæc etiam referri debet testimonium valdè illustre, quod est 1. Ioh. 5. Tres sunt qui testimonium perhibent in cœlo, Pater, verbum, (λόγος & filius Dei Ioh. 1.) & Spiritus sanctus, & hi tres vnum sunt, id est, sunt vnus Deus, vel vna diuina essentia.*

*Hæc testimonia demonstrationes sunt, mathematicis apodixibus certiores, quorum declarationes Iuniores promant ex scriptis Lutheri, Philippi, Chytrai & aliorum.*

*De operibus primi diei.*

*In principio creauit Deus cœlum & terram) Hic primus versus generalem continet descriptionem creationis cœli & terræ, quæ primo die facta est materialiter & non formaliter. Informis enim & obscura massa, & rudis indigestaq; moles, primum condita fuit à Deo, vt esset futuri operis, nempe*

*C 2*

*cœli*



cœli & terræ aliarumq; creaturarum materia. Cui eodem die lumen quoddam additum est, quod circum terram agitabatur, ut dies appareret, & conspiciendam præberet eandem rudem materiam cœli & terræ: Licet non tam clarum fuerit quàm Solis iubar postea creatum. Sic enim hæc verba exponit Lutherus, Chytraus. & alij.

Terra erat inanis & vacua, & tenebræ erant super faciem abyssi.)

In hoc 2. versu & sequentibus, seorsim describit Moses opera creationis. Et primum dicit terram fuisse, Tohu va Bohu seu vastam & vacuam, id est, rudem, incultam, desolatam, nullis instructam & exornatam plantis, iumentis vel hominibus. Deinde materiam ostendit ex qua cœlum postea factum est, nempe infinitam & inexhaustam aquarum profundissimarum congeriem rudem, tenebricosam, indigestam nec adhuc certa aliqua forma decoratam.

Et Spiritus Domini ferebatur super aquas) Vel incubabat aquis, quibus terra immersa erat, quæq; rudis fuerunt moles, ex qua illustrata & digesta ac expolita, cœlum & terra cum Sole & Luna, & stellis & plantis & animalibus omnibus postea condita sunt. In Hebræo est מְרַחֵם Merahepheth, quod incubare significat: Quemadmodum enim gallina incubat ouis quæ fouet & viuificat suo calore: Ita Spiritus sanctus incubans aquis eas fouebat & viuificabat.

Obseruetur hic illustre testimonium de Spiritu sancto, qui est Deus, & ordine tertia persona diuinitatis, quorū & coessentialis & coeterna Patri & Filio, ab utroq; procedens & omnia cum Patre & Filio creans, viuificans, fouens, gubernans & conseruans; quæ mittitur à Patre & Filio, ut per verbi & Sacramentorum ministerium sit efficax in cordibus credentium, quos regenerat, sanctificat, regit, consolatur & saluat: Et est distincta à Patre & Filio persona. Nam Deus

Pater



Pater ordine prima persona diuinitatis est aeterna, immensa à se ipso & non ab alio quoquam existens, quæ non creauit, sed ab aeterno genuit filium coaeternum; à qua & à filio Spiritus sanctus non creatur neq; gignitur, sed ab aeterno procedit: Et per eundem filium suum vnigenitum & in ipso creauit & conseruat omnia.

Filius verò ordine secunda persona diuinitatis est, non creata ex nihilo, sed à Patre ab aeterno genita, eiq; consubstantialis coaeterna & per omnia similis, per quam omnia condita sunt, & qui certo tempore assumpta humana natura natus est ex Maria virgine, & noster Christus, mediator, saluator & redemptor factus est.

Spiritum sanctum esse Deum, & personam per se subsistentem, manifestè testantur, & nomina & res seu actiones Deo propriè competentes, quæ in sequentibus testimonijs continentur ac ei tribuuntur: videlicet creare, regenerare, viuificare, reformare hominem, & restituere imaginem Dei amisam, edere miracula, docere & gubernare Ecclesiam. Psal. 33. Verbo Domini cœli firmati sunt, et spiritu oris eius omnis exercitus eorum. Psal. 114. Emitte SPIRITVM tuum & creabuntur, & renouabis faciem terra. Ioh. 3. Nisi quis renatus fuerit ex aqua & Spiritu sancto. Item 6. cap. Sicut & 2. Cor. 3. SPIRITVS est qui viuificat. Et ibidem: Transferamur à gloria in gloriam tanquam à Spiritu Domini in eandem imaginem. Et Ioh. 16. Spiritus veritatis docebit vos omnem veritatem. 2 Pet. 1. SPIRITV Sancto Dei sancti Dei homines locuti sunt. Iob. 13. Spiritus Dei fecit me, & spiraculum omnipotentis viuificauit me. Psal. 139. Quò ibo à SPIRITV tuo, & quò à facie tua fugiam? Si ascendero ad cœlum, illic es, si in infernum descendero, ades. Sap. 1. SPIRITVS sapientiæ, cordis scrutator, lingua auditor. SPIRITVS DOMINI repleuit orbem terrarum, & continet



omnia, & nouit omnia, cogitationes & sermones. Et 2. Samuel. 23. Spiritus DOMINI locutus est per me & sermo eius per linguam meam. Dixit DEVS Israël, fortis Israël locutus est mihi. Hic Scriptura manifestè vocat Spiritum Sanctum DEVM ac DOMINVM. Act. 5. Paulus quoq; vocat eum DEVM, cum ait Anania: Cur tentauit Sathanas cor tuum, mentiri te Spiritui Sancto? non mentitus es hominibus sed Deo. Et 1. Cor. 2. Dicit eum esse Spiritum ex Deo, hoc est, ex Dei substantia. Et 1. Cor. 3. An nescitis (inquit) quod templum Dei estis, & Spiritus sanctus habitat in vobis. 1. Cor. 6. An nescitis quod corpora vestra sint templa Spiritus sancti? glorificate igitur DEVM in corpore vestro. Et sicut Thomas Christum vocat DOMINVM suum & DEVM suum, Ioh. 20. Ita Paulus quoq; has easdem appellationes Spiritui sancto tribuit, 1. Cor. 12. Vbi inquit, Nemo potest dicere dominum Iesum, nisi per spiritum sanctum. Diuisiones autem gratiarum sunt, idem verò SPIRITVS, & diuisiones ministracionum sunt, idem autem DOMINVS, & diuisiones operationum sunt, idem verò DEVS, qui operatur omnia in omnibus. Et Heb. 9. Spiritus atermus dicitur. Et Christus ipse affirmat Spiritum sanctum esse alium à Patre, & ab eo distinctam personam, Ioh. 14. Rogabo Patrem et alium Paracletum dabit vobis, SPIRITVM veritatis; Et 1. Ioh. 5. Tres sunt qui testimonium dant in cælo, Pater, Verbum & SPIRITVS, & hi tres vnus sunt.

Hanc personarum distinctionem luculenter ostendit apparitio Spiritus sancti in Baptismo Christi peculiari forma in specie columbæ alas pendentis super Christum filium Dei, de quo vox audita est: Hic est filius meus dilectus. Et formula baptismi nostri à Christo tradita, iubente homines baptizari in nomine Patris & Filij & Spiritus sancti.

Dixit DEVS fiat lux) In hoc tertio versu lucis mentio-



mentionem facit, quæ etiam primo die creata est verbo Dei, seu λόγος filio Dei, qui est secunda persona diuinitatis, genita cogitatione Patris de ipsius substantia ab æterno, et est substantialis & integra Patris imago, vel ἀπαύρασμα seu splendor lucis paternæ, per quem res omnes condidit, & Euangelium de redemptione & salute generis humani immediatè reuelauit, qui filius naturam humanam induit & cum diuina natura sua nexu firmissimo & indissolubili copulauit, vt noster esset mediator & redemptor, & nobis imaginem Dei ad quam conditi eramus; hoc est, veram lucem, iusticiam, leticiam & vitam æternam, aliq; innumera bona restitueret. Dicitur autem λόγος, non solū respectu Patris, cuius est imago, à mente ipsius ab æterno sine passione genita, sicut sermo cogitationum mentis nostræ imago est, verum etiam respectu hominum, quibus tanquam orator ἐκγγέλτικος, vt à Nazianzeno dicitur, suum euangelium seu arcanum illud consilium de redemptione generis humani ex sinu patris prolatum reuelauit: et cum quibus etiam olim locutus est, & adhuc loquitur & efficax est per ministerium verbi et Sacramentorū, quod conseruat: Et in quibus vitam et lucem verā agnitionis quam in primā conditione illis impertiuit, & qua Deum agnoscebant, eiq; perfectè in omnibus actionibus obediebant dispulsis tenebris rursus instaurat quiq; per Spiritum sanctum corda eorum viuificat, in quibus etiam consolationem dicit et leticiam ac inuocationem accendit.

Lucem quam hīc Moses dicit primo die conditam, consentaneum est suo motu circulari, quo circumferebatur, discrimen fecisse diei & noctis, vsq; ad quartum diem quo Sol conditus fuit & lumine splendidiore & clariore, quam fuit illa rudis & crassa lucis massa. Hæc est Lutheri sententia sacris literis consona, quæ testatur Deum nouissimo die hodiernum lumen solis, ceu malignum lumen respectu futuræ claritatis, splendidius & clariius facturum esse, Esa: 66. Vt mirum

non



non sit, si lux illa primo die creata. ad hoc præsens solis iubar collata, rudis fuerit. Huc quæ de natura lucis à Physicis traduntur, referenda sunt.

Est autem varia acceptio vocabuli lucis. aliàs enim cœli, solis, stellarum, ignis, æris, aquæ lumen: aliàs flammulam lucidam in oculis: aliàs mentis lumen significat. Et vsitatissimè in sacris sumitur pro verbo Dei & vera Dei noticia, consolatione, vita, liberatione ex morte & calamitatibus, & pro optimis quibusq; rebus: Sicut è diuerso tenebræ, ignorationem Dei peccatum, mortem & mala quæq; tristissima significant. Et quia Deus autor & fons lucis est, & filius Dei λόγος, ἀπαύρατος & splendor est lucis paternæ, ideo vocabula lucis & luminis sapissimè & rectissimè ac propriÿssimè, tum ipsi Deo Patri in Scriptura tribuuntur; tum etiam Filio Dei, qui verè & natura Deus est. Id quod sequentibus testimonijs probatur, quæ semper in conspectu habere prodest. Psal. 2. Filius meus es tu, ego hodie genui te. Hodie, id est, ab æterno sine ullo temporis principio et fine: quia in Deo nullum est tempus sed æternitas. Esa. 45. Te adorabunt, te deprecabuntur, tantum in te est DEVS, & absq; te non est Deus, qui verè es DEVS absconditus, DEVS Israël saluator. Hæc est ipsius Patris vox de Filio. Et Esa: 48. ipse de se loquitur Christus in persona Prophetæ. Accedite ad me & audite hoc, non in principio in abscondito locutus sum, ex tempore antequam fieret ibi eram & nunc DOMINVS DEVS misit me & SPIRITVS eius. Prouerb. 8. Sapientia quæ est ipse Dei Patris æterni Filius æternus, dicit se ab initio ab æterno fuisse cum Deo, per se omnia condita. 1. Cor. 1. Sicut et Ioh. 1. illud dictum repetitur, Per ipsum omnia facta. &c. Et Mich. 5. Egressus eius ab initio & à diebus sæculi, id est, ab æterno. Ierem. 23. Et hoc est nomen eius quod uocabunt eum Iehouah, DOMINVS iusticia nostra. 1. Cor. 1. Matt. 16. Tu es Christus filius Dei uiui. Ioh. 1.



Ioh. 1. In principio erat verbum etc. & omnia per ipsum facta sunt, & sine ipso factum est nihil quod factum est, & DEVS erat verbum. Ioh. 20. DOMINVS (Iehouah) meus & DEVS meus. Ita passim in Scriptura nomen IEHOVAH Christo tribuitur, quod essentiale Dei nomen est, et soli Deo competit. Rom. 9. Christus ex patribus secundum carnem, qui est Deus benedictus in secula. 1. Ioh. 5. Vt simus in vero Filio eius Iesu Christo, Hic est verus Deus & vita eterna. Probatur hoc ipsum argumentis ex scriptura sola petitis. Primum, ex operibus creationis, conseruationis, viuificationis quæ Filio tribuuntur, & solius Dei sunt. Psal. 33. Verbo Dei cæli firmati sunt. Ioh. 1. & 5. Omnia per ipsum facta. Deinde ex cultu qui debetur Christo, tanquam soli Deo iuxta illud: DOMINVM DEVM tuum adorabis & illi soli seruias. Deut. 6. Matth. 4. Adorabunt eum omnes Reges terra, omnes gentes seruient illi, Es. 11. Omnes gentes deprecabuntur eum, adorent eum omnes angeli Dei, Heb. 1. Psal. 71. Tertio, miraculis in Ecclesia omnibus temporibus per ipsum factis, Ioh. 1. Educatione populi sui ex seruitute Aegyptiaca, & multis alijs, quæ continentur in veteri & nouo testamento.

Et vidit DEVS lucem quod esset bona, & diuisit lucem à tenebris, appellauitq; lucem diem, & tenebras noctem. Factumq; est vespere & mane dies vnus) Dies vnus, .i. primus. Definitiones & diuisiones Dierum & noctium, eorumq; discrimina, ex Mathematicorum libris sunt petenda. Huc vsq; descriptio creationis operum primi diei.

Locus secundus præcipuus in hoc capite obseruetur de Creatione cæli & terra & omnium rerum, quæ est primum Dei opus, in quo se patefacere, & suam omnipotentiam, bonitatem & sapientiam lucere & conspici voluit.

De operibus Secundi diei.

Dixit quoq; DEVS: fiat firmamentum in medio

D

dio



dio aquarum, & diuidat aquas ab aquis) Hic sextus  
 versus descriptionem firmamenti siue cœli continet, qua appella-  
 tione tota ætherea regio & omnes orbes ac sphaera Planetarum  
 & stellarum fixarum significantur, quarum numerum, magni-  
 tudines, figuras, interualla, distantias & motus Astronomi do-  
 cent. Vocabulum hebraeum רָקִיעַ Rakia, quod à continua-  
 tione, extensione & firmitudine nomen accepit, & expansum  
 quiddam seu extensum instar vtrius seu vesicæ aëre inflato exten-  
 se, & firmiter stabilitum significat. Latini rectè firmamen-  
 tum verterunt, quia licet nihil aqua sit mollius & fluidius,  
 tamen ita DEVS firmavit illam extensionem, ut quous aëre ac  
 adamante sit durabilior, nec motus pernecitate consumatur.  
 Cœlum (quod vel à cavitare nomen accepit, eò quòd κοιλον, hæ-  
 concanum sit, vel à celando, id est occultando, quòd totam illam  
 partem, quæ supra elementum ignis est, quam Philosophi æthe-  
 ra, ἀπὸ τοῦ αἰθέρος, .i. flagrando & splendendo appellant, com-  
 plectens omnia inferiora celer ac tegat: vel à stellarum imagine,  
 quæ in eo quodammodo calata apparent, ut ob impressa stella-  
 rum lumina cœlum quasi calatum nuncupetur) Hebraus שָׁמַיִם  
 Schamaim ab aquis dicitur, eò quòd ex aqua & per aquam  
 verbo Dei sit conflatum cœlum. Græcis ὁρανον, quasi ὁρανον,  
 quòd sit visui peruium & minime densum, ut est aqua & ter-  
 ra, ἀπὸ τοῦ ὄρατος ὁρανον, .i. sursum aspiciendo. Quæ vox affini-  
 tatem habet cum hominis appellatione, qui Græcis ἀνδρωτὴς  
 dicitur, quasi ἀνὸς ἄνθρωπος, id est, sursum vergens, vel quasi  
 ἀναβλεψὴς ἢ ὁπῶτε contemplans ea quæ videt. Ideo enim Deus  
 hominem præ reliquis creaturis præstantissimum creauit ad  
 imaginem suam, & rationis participem fecit; ut hoc pulcherri-  
 mum theatrum & rerum naturam intuens ac considerans,  
 Deum conditorem agnoscat & celebret.

Pronaq; cum spectent animalia cætera terram,  
 Os homini sublime dedit, cœlumq; videre.

*Iussit*



*Iussit, & erectos ad sidera tollere vultus.*

Quales sint aquæ supra cœlos (quarum hic, et Psal. 103. & in cantico trium puerorum, Daniel. 3. fit mentio) & cui vsui seruiant? cùm ad cœlum, in quo Deus habitat cum angelis & beatis seu ad cœlestem Academiam peruentũ fuerit, videbimus. Esi autem multi sunt in ea opinione, cœlum glaciale (sic enim aquas istas supra firmamentum vocant) à Deo ideo conditum esse, vt inferiores orbis quasi refrigeret & humectet, ne pernicietate motus & nimio ardore consumantur; tamen eorum sententia & interpretatio nullo videtur niri solido fundamento.

Dixit verò DEVS, congregentur aquæ, quæ sub cœlo sunt, in locum vnum, & appareat arida, & factum est ita: Et vocauit Deus aridam terram, congregationesq; aquarum appellauit maria. )

In hoc 10. versu continentur appellationes terræ & maris. Est autem Terra elementum frigidum & siccissimum, sua grauitate reliqua omnia excedens, & infimum inter ea locum tenens. Hebraeis עֶרֶץ *erez*, à currendo, רוץ *Roç* enim currere, celeriter vel promptè accurrere cum inclinatione & propensione quadam se alicui accommodare, sic dicta quòd homines in ea currentes sustentet, eorum pedibus subiecta. Vnde & Latinis terra, à terendo appellationem sortita est, quòd in media (vt Cicero ait) mundi sede locata, & solida ac globosa, & vndiquaq; nutibus suis conglobata floribusq; vestita, pedibus hominum & iumentorum teratur. A Græcis γῆ *nuncupatur*, ἀπό τοῦ γῆμι, quod inter alia, capere, complecti, locum præbere, et interdum etiam γένειν hoc est, generare & in lucem dare significat, eo quòd nascentes homines (vt Plinij verbis utar) excipiat, natos alat, semel editos sustentet & semper nouissime complexa gremio, ab reliqua natura abdicatos, tum maxime vt mater homines operiat, vnde materna venerationis cognomen tum adepta est.



Congregationes aquarum appellauit maria y  
Mare ab amaro et salso sapore nomen accepit. Conferatur autem  
et ad hanc partem operis tertij diei explicandam. Et ad reliquas  
aliorum operum partes, de quibus postea audiemus illustrandas,  
tota doctrina Geographica & Cosmographica, quæ certissimis  
Mathematicorum apodixibus veluti fundamento subnixa, de-  
scriptionem Mundi tradit, constantis ex 4. elementis, Terra,  
Aqua, Aëre & igni, & Sole, Luna reliquisq; cœli sideribus,  
adeoq; rebus omnibus, quæ cœli circumflexu reguntur: quaq;  
ex circulorum, quibus illam supercœlestem machinam constare  
imaginamur, contemplatione & distinctione, terrarum illis sub-  
iectarum situs, & locorum distantias certa quadam symmetria  
& commensuratione inuestigamus: & rationem quoq; Clima-  
tum, & dierum noctiumq; differentias, & 4. Mundi cardines;  
Siderum item mobilium pariter ac immobilium cursus, ortus  
& occasus, aliaq; multa ad cœli rationem pertinentia inqui-  
rimus. Quæ omnia & singula considerare iucundum est, &  
suum in vita vsum habet vel maximum.

Primum igitur cœlum est aspiciendum, in quo sunt Sol  
& Luna, quæ luminaria magna vocat Moses, de quibus postea,  
& reliqui Planete, Saturnus, Iupiter, Mars & Venus, quæ  
aliàs  $\phi\omega\sigma\phi\omega\rho\acute{o}s$  & Lucifer, cùm Solem præcedit aliàs Hesper-  
us, cùm eundem sequitur. Deinde stellæ fixæ inerrantes, à  
veteribus Astrologis magna cura & mirabili solertia observa-  
tæ numero 1022. & in imagines 48. (quas alij  $\alpha\sigma\tau\epsilon\rho\iota\sigma\tau\epsilon\acute{\iota}\alpha$ , alij  $\lambda\omicron\delta\iota\alpha$ , nonnulli sidera & signa, aliqui  
 $\mu\omicron\sigma\phi\omega\rho\acute{o}\tau\epsilon\iota\varsigma$ , vulgo constellationes vocant) collectas & digestas  
conformarunt: Et ex rerum vel figurarum notarum similitu-  
dine illis congruentia nomina imposuerunt, vt sigillatim distin-  
guerentur ac denotarentur, meliusq; in tanta multitudine et di-  
uersitate rudioribus innotescerent; yis exceptis quæ circa Notium  
Mundi verticem perpetuo hæcenus delituerunt. Distin-  
guuntur



guuntur autem eadem imagines seu signa, situ, in septentrio-  
nalia, meridionalia & Zodiaci. Septentrionalia, quæ ab Ecclip-  
tica in Boream vergunt, sunt 21. nempe:

1. ἄρκτος siue vrsa minor, quæ Cynosura dicitur, stellas com-  
plectens 7. quarum quæ polo propinqua est, Polaris dicitur.

2. ἄρκτος μεγάλη, ἢ ἑλικὸν, Latine vrsa maior siue Helice.  
Vtrasq; à 7. stellarum numero Septentriones, item Hamaxas,  
id est, currus & plaustra vocant.

3. Draco vel Anguis seu Serpens, stellis insignitus 31.

4. Cepheus, stellas 12. habet.

5. Bootes, 12. stellas habet, & Arctophylax dicitur, in quo  
rutilat clarum Arcturi sidus, suo ortu Autumnum inchoans.

6. Corona borealis, Ariadnea.

7. Engonasis, 28. stellarum.

8. Lyra. recentiores Vulturem cadentem vocant, continet  
10. stellas, quarum quæ in ore aut testa fulget, peculiariter Lyra  
vocatur.

9. Olor, avis, Gallina, vel Cygnus, 17. stell.

10. Cassiopeia.

11. Perseus, tenens manu sinistra amputatum Gorgones  
Medusæ caput.

12. Auriga, ὄφις, in cuius humero conspicitur clarum Ca-  
pella astrum, & in brachio minores Hædi. habet stellas 14.

13. Serpentarius, ὀφιοχός, anguifer, 24. stell.

14. Serpens Ophiuchi, anguis, habet 18. stell.

15. Sagitta. 8. stellarum.

16. Aquila. Recentioribus vultur volans, 9. stellarum.

17. Delphin, 10. stellarum.

18. Equus prior vel Equaticulus seu Hinnulus, aliàs scellio  
seu præsilio equi dicitur.

19. Equus alatus, Pegasus, stellas habet 20. insigniores, 4.  
orapezj figuram referentes.



20. *Andromeda*, stell. 23.

21. *Triangulus*, à græca litera similitudine  $\Delta\epsilon\lambda\tau\omega\tau\upsilon$ , id est, trigonum.

Hæc quæ sequuntur Zodiaci  
signa sunt.

22. *Aries*.

23. *Taurus*, est 32. stellarum, quarum 5. oris & faciei effigiem referentes, *Hyades* Græcè, Latine succula nuncupantur: Inter quas maxima, quæ est in oculo austrino, Græcis  $\lambda\alpha\mu\omega\alpha$ -*dias*, Romanis *Palilicium* dicta est. In collo *Pleiades* seu *Vergilia* sunt, ad æstatis initium exorientes.

24. *Gemini*, 18. stellarum.

25. *Cancer*, obscurum sidus; *Præsepe* et *Asellos*, astra vix conspicua, pectore gestans. Est 9. stellarum, inter quas *Præsepe*,  $\phi\alpha\lambda\upsilon$ , nebula in pectore est, & *Aselli* duo, *Borealis* & *Notius*.

26. *Leo*, est 27. stellarum, lucido fulgore rutilans, inter quas duæ præ cæteris insigniores sunt, una in corde  $\beta\alpha\sigma\acute{\iota}\lambda\iota\sigma\kappa\omicron\varsigma$  seu *Regulus*, altera in cauda.

27. *Virgo*, *Erigone*, *Ceres* & *Astrea* dicta, stellas habet 26. quarum quæ præ reliquis insignis in manu dextera est,  $\sigma\alpha\chi\upsilon\varsigma$ , id est, *Spica* & *vindemiatrix* dicitur, quod vindemiæ tempore exoriatur; altera in ala boreali  $\pi\rho\omicron\delta\upsilon\gamma\mu\alpha\tau\iota\varsigma$ , latine *Prauvindemiatrix*.

28. *Libra*,  $\chi\eta\lambda\alpha\iota$ .

29. *Scorpius*, à quibusdam *Nepa*, stellis formatur 21. insignioribus, quarum lucidior in pectore  $\alpha\upsilon\tau\acute{\alpha}\gamma\eta\varsigma$  *Antares*, & *COR* *Scorpij* vocatur.

30. *Sagittarius*, 31. stell.

31. *Capricornus*  $\kappa\alpha\pi\acute{\rho}\omicron\kappa\omicron\rho\omicron\varsigma$ , 28. stell.

32. *Aquarius*,  $\u0177\pi\epsilon\rho\iota\omicron\chi\omicron$ , 24. stellarum.

33. *Pisces* duo, alter *Notius* siue meridionalis, alter *Septentrionalis*, lino connexi longiusculo. 34. stellarum.

Signa



Signa verò australia cœli, sunt  
hæc quæ sequuntur.

34. Cetus, quem & Pisticem vocant. 22. stell.
35. ORION, inter omnia cœli sidera lucida & insigniter clara configuratio. 38. stellarum.
36. Eridanus fluvius, cuius posterior stella præ reliquis insignis est, πῶταμος dicta. 34. stellas habet.
37. Lepus ante canem sub pedibus Orionis fugienti similis 12. stellarum.
38. Canis maior, Canicula, splendidissimam in ore stellam ostentans, quæ propriè Sirius dicitur. 18. stellarum.
39. Canis minor, πρὸ κανέως, Antecanis dicta, quia ante maiorem Canem oritur, duarum stellarum est.
40. Ἀργὸς, Argo navis, ampla configuratio, stellas habet complures, inter quas toto cœlo lucidissima Canopus fertur, Ægypto conspicua, Europa perpetuo latens.
41. Hydra siue Anguis, cui Corvus insidet & Crater impositus est, stell. 25.
42. Crater siue Patera. 7. stell.
43. Corvus. 7. stell.
44. Centaurus, Chiron. 37. stell.
45. Fera, ὀνίσις seu bestia quam tenet Centaurus. hanc Lupum nominant, 19. stell.
46. Ara seu Thuribulum. 7. stellarum.
47. Corona Australis. 13. stell.
48. Piscis Notius seu Austrinus, ab Aquario effusam aquam recipiens.

He sunt 48. imagines seu signa cœlestia; quæ his versibus memorie gratia complexus est Hontérus:

Ad boream geminas ingens Draco dividit Arctos,  
Hinc subit Arctophylax, pariterq; Corona, Lyraq;

Proxi-



*Proximus Engonasis, post hunc Ophiuchus, & Anguis,  
 Mox Aquila, & Telum, surgunt & lactea Cygni  
 Sidera, Pegasus hunc sequitur, Delphina simulq;  
 Andromeda, Cepheusq; & Cassiopeia parentes,  
 Armatusq; gener Perseus, circum ora Medusæ  
 Horrida, Deltoron simul Heniochusq; feruntur.  
 Hinc Aries, Taurus, Gemini, Cancer, Leo, Virgo,  
 Libraq; Scorpius, Arcitenens, Capri, Hydria, Pisces.  
 Cetus & Eridanus, post hæc vertuntur ad austrum,  
 Orionq; premens Leporem, Procyonq; resurgens,  
 Inde Canis maior, stellataq; cernitur Argo  
 Perq; trium loca signorum se porrigit Hydra  
 Craterem dorso gestans, Coruumq; loquacem,  
 Hic Fera Centauro resupina tenetur, & ultra  
 Thuribulum, notia Piscis fugit astra Corona.*

*Deinde etiam Terra lustranda est, quæ distinguitur in  
 Regiones, Principatus, Ducatus, Comitatus & Prouincias,  
 cuiusmodi sunt, Germania, Dania, Noruegia, Suecia, Italia,  
 Gallia, Anglia, Scotia, Hollandia, Brabantia, Saxonia, etc.  
 Et ciuitates, ut sunt, Roma, Lutecia, Basilea, Colonia, Ant-  
 nerpia, Louanium, Rostochium, Hamburgum, Lubeca, Haf-  
 nia, Lunda, Asloia, Nidrosia, etc. In quibus visuntur aqua,  
 Stagna, Fontes, Therma & flumij, ut Albis, Borysthenes,  
 Danubius, Rhenus, Vernouius, Moenus, Mosa Belgica, &  
 Mosa fluius Noruegiae in prouincia Hedmarchiana, Rhoda-  
 nus, Visurgis, & alij. Quibus insunt aquatilia seu pisces:  
 Anguilla, Arenga, Araca, Aschia, Balena, Barba, Carbus,  
 Carpio, Cetus, Congrus, Erox, Gobius, Lampetra, Salmo,  
 Prasinus, Ruburnus, Borboca, Aiosa, Orca, Raia seu Rochus,  
 Platea, Scombrus, Salpa, Squillus, Aftacus.*

*In terra etiam considerande sunt arbores ac frutices:  
 Abies, Pinus, Castanea, Cerasus, Labrusca, Olea, Prunus,  
 Spinus*



*Spinus, Morus, Pomus, Pyrus, Fagus, Corylus, Cupressus, Fi-*  
*cus, Persicus, Populus, Salix, Sambucus, Taxus, Tilia, Vl-*  
*mus, Erica, Larix, Oxyacantha seu Crispina &c. Item*  
*Herba: Abrotanum, Absynthium, Achantus, Aconitum,*  
*Amomum, Amaracus, Anisum, Apium, Asparagus, Be-*  
*ta, Buglossa, Bulbus, Cataputia, Chelidonium, Cichoreum, Cu-*  
*curbita, Eupatorium, Feniculum, Heliotropium, Hyacinthus,*  
*Lactuca, Menta, Nigella, Pentaphyllum, Sanicula, Trifolium,*  
*Verbana, Vuularia, Zanthum &c. Ac frumenta legu-*  
*minaq;: Avena, Faba, Milium, Oriza, Pisum, Hordeum,*  
*Siligo, Triticum. Item metalla & lapides. Aurum, Ar-*  
*gentum, Cuprum, Orichalcum, Stannum, Plumbum, Ferrum,*  
*Alumen, Sulphur, Chalcantum, Marmor, Magnes, Gem-*  
*ma, Margaritum, Crystallus, Adamas, Gagates, Coral-*  
*lium, Berillus, Smaragdus, Rubinus, Granatus, Carbu-*  
*culus, Hamatites, Pumex &c. Animalia quoq; quadrupe-*  
*da: Agnus, Aper, Aries, Bos, Bubulus, Burdo, Camelus,*  
*Cantherius, Castor, Cercopithecus, Elephas, Equus, Mannulus,*  
*Erinacius, Felis, Fiber, Hinnulus, Ibex, Lepus, Lupus, Lu-*  
*stra, Lynx, Martes, Melis, Mustella, Sciurus, Vernex, Vrsus,*  
*Vulpes, &c. Et Reptilia cum vermibus & insectis: Apes,*  
*Araneus, Blatta, Bombex, Brucus, Cantharis, Cimex, Cossus,*  
*Crabro, Culex, Draco, Formica, Fucus, Grillus, Gurgulio,*  
*Hirudo, Limax, Phalanx, Papilio, salamandra, Scarabeus,*  
*Scolopendra, Amphibena, Tinea, Testudo, Vespa.*

*Postremò etiam quæ sunt aëria natura, ut Volatilia seu*  
*aves: Accipiter, Achantis, Anas, Aquila, Ardea, Alauda,*  
*Coturnix, Capus, Bubo, Nycticorax, Curruca, Ficedula, Per-*  
*dix, Lucina, Merops, Nisus, Pano, Picus, Pica, Trochilus,*  
*Pelicanus, Psitacus, Turdela, Sturnus, Sincedula. &c.*

De Operibus Tertij Diei.

Germinet terra herbam virentem. ) Descriptio  
 E est



est creationis operum tertij diei, nempe, plantarum, herbarum, fructuum, florum, leguminum, & aliarum rerum terrae nascentium, quibus vestitur & pulcherrimè ornatur terra, & hominibus ac iumentis victum suppeditat: Quaram generatio, illustris etiam typus est gloriose resurrectionis nostrorum corporum, in supremo vere, id est, extremo die iudicij.

Hic questio agitari solet, quo tempore anni Mundus sit creatus, vere ne an autumno? Etsi autem quidam existimant, Mandum conditum esse tempore autumnii, eod quod primi parentes Adam & Eva pomis & fructibus vescerentur: tamen hic nihil certi affirmari potest, cum non modo fructuum mentio fiat in textu, quos autumnus producere solet, verum etiam generationis, quæ veris est propria. Sed Lutherus & alij multi in hanc inclinant sententiam, veris id tempus fuisse quo Mundus cœpit, quia tunc terra aperitur & resolvitur ac omnia reuiuiscunt, & est formosissimus annus.

Vnde & Iudei suum annum & primum mensem à tempore veris ordiuntur. Fuit autem prima creatio prorsus miraculosa, qua germinationem terræ, flores & fructus arborum illico subsecuti sunt. Et consentaneum est terram, quæ tota nil nisi Paradisus fuit, ob primæ creationis benedictionem, omnes arbores, frutices & herbas frugiferas, & vsibus hominum aptas, nec ullas steriles produxisse: Sed postea propter peccatum maledicta, sentes, spinas, paliuros, & multas steriles herbas protulit.

De operibus quarti diei,

Dixit autem DEVS, fiant luminaria in firmamento cœli, & diuidant diem ac noctem, & sint in signa & tempora & dies ac annos, vt luceant in firmamento cœli & illuminent terram, & factum est ita.)

Hic est 14. versus continens descriptionem creationis Stellarum, præcipuè Luminarium, nempe solis

☉



& lune; quæ præterquam quoddam discrimina diei & noctis, laboris & quietis, statas vices 4. anni temporum, veris, æstatis, Autumni & hyemis constituunt, aliasq; temporum distinctiones in certos dies Fastos & Nefastos, menses, annos, reliquaq; spacia, significata vocabulo Hebræo מועד Moed. quorum observatio necessaria est in Ecclesia, ut Mundi initia, Religionum exordia, diuinarum patefactionum seriem, collecta & instaurata Ecclesiæ tempora & Imperiorum mutationes notare possimus. Etiam signa & causæ existunt caloris, frigoris, pluviarum, imbrium & tempestatum, quas ortu suo & occasu ac cæli mediatione excitant.

Præterea etiam iram vindictamq; diuinam & pœnas imminentes, suis deliquijs, obscuracionibus, & stupendus cùm reliquis Planetis congressibus & oppositionibus alijsq; configurationibus denotant & denunciant.

Hunc textum illustrat Mathematicorum doctrina de siderum motu & effectu in elementis & rebus ijs quæ constant ex Elementis. Cuiusmodi sunt tempestates seu mutationes aëris & res inde consequentes, videlicet salubritas aëris, cœliq; clementia vel contagio, & annonæ copia vel penuria. Item principia & mutationes Imperiorum atq; urbium: in quibus considerantur Pax, Bellum, Sectæ, Religiones & Regum heroum ac Principum res gestæ gerendæ: Item de priuata cuiusq; fortuna & statu, alijsq; rebus, quarum in genethliacis & electionibus temporum habetur ratio.

Esi autem hanc doctrinam de effectibus siderum pleriq; contemnunt, quod Astrologorum iudicia sæpè fallant, præsertim ea quæ de statu orbis terrarum à magnis coniunctionibus, quæq; de aëria constitutione, ex solis & lune & reliquarum stellarum congressibus & configurationibus sumuntur: quorum pleraq; pauca habent, ne dicam nulla verè vniuersalia, quæ totum terrarum orbem peruagari soleant: Experientia



namq; probat tempestatum rationem, ut reliqua sileam, non magnis locorum intervallis mirabiliter variare: Tamen minimè contemnendam esse iudico. Non enim omninò nulum esse effectum aut eventum stellarum constat, præsertim cum tot experimentis, usq; quotidianis ferè, tum in ipsa valetudine animiq; affectione, tum etiam in commodis aut incommodis externarum rerum, vis siderum appareat apud omnes, & potissimum eos, qui sui horoscopi & aliorum significatorum progressionem diligenter & accuratè observant.

Nam licet haud omnia ex cæli sideribus, etiam diligentissimè observatis, & maxima adhibita cura prudentiaq; cognosci & certò eventura prænunciari possunt, nec secundum Astrologorum prædictiones semper eveniunt, propter materiæ inconstantiam & fluxibilitatem, aliarumq; plurium causarum impedimenta: nihilominus tamen multa, si non certò, at probabiliter de rebus futuris iudicari possunt. Ac si rem aqua lance astimemus; nihil impietatis habet hac scientia, si rectè tractetur, ita ut Physicæ limites non egrediatur. Si quidem consideratio cursus illius rati ac perpetui & virium atq; constantiæ effectuum in huius inferioris Mundi corporibus, ad summam Divinæ Maiestatis, tantarum rerum creatricis reverentiam cultum & amorem homines excitat. ut, verbi gratia, cum cælum contempler & quamlibet in eo stellam, quæ sub oculorum aspectum cadit, hoc terreno globo, cui insistimus, (sola luna excepta, quæ una quadragesima pars terræ est) maiorem esse deprehendimus: compertum est enim Solem centies sexagies sexies terram maiorem esse: Saturnum 91. Iovem 95. terram excedere: Cumq; reputo quàm exigua sit solis & stellarum particula ad totius cæli ambitum & circumferentiam immensam collata; etiam subit animum hæc cogitatio, quàm potens, quàm sapiens, quàm bonus sit Deus, qui totum hoc Mundi theatrum amplissimum & splendidi-



*didicissimum ex nihilo condidit, conseruat, regit & sustentat. Nec solum ad Deum cognoscendum, amandum & colendum inuitat hac scientia, dum ex consideratione potentia, sapientia & bonitatis & aliarum virtutum, quæ in eius operibus lucent, reuerentiam erga ipsum, admirationem & amorem in nobis excitat, verum etiam ad alia multa, præcipue verò civilis vitæ officia & commoditates plurimum conducit. Et nil impietatis habet si quis modo non deprauatus illa dextrè ac sobrie vtatur. Nam vt de publicis dicam, prospicere impendentem annonæ caritatem, bella præuidere & maturè parare se ad defensionem, vel de pacificatione cogitare, & in pestilentia quoque significationibus, certa diæta & victus ac medicamentorum ratione valetudini consulere; vel de sede mutanda (si licitum est) cogitare, nonne longè utilissimum est magistratibus ac subditis. Præter has iam dictas utilitates, utraq; ars tam ea, quæ cælum cæliq; motus numerat ac mensurat, quàm quæ siderum effectus scrutatur: etiam consert ad Poetas intelligendos, ad vrbiū & locorum distantias inuestigandas, ad scèlicem nauigationem, ad arationem & sationem, reliquaq; ruris opera & ad annorum mensium & dierum rationem imprimis. Prodest igitur Theologis, quibus temporis ratio & præcipue Festorum observatio curæ esse debet. Deinde utilis est Medicis, vt tempus sciant Phlebotomiæ, exhibendorum ac purgandorum corporum, secundum astrorum, præsertim lunæ solusq; cursum. Tertio prodest Geographis & Cosmographis in descriptione Regionū Vrbiū & Climatorum & aliarum rerum. Quarto agricolis, vt temporibus idoneis cultura agrorum vacent. Quinto prodest nauigantibus, vt non modo sciant, quo pacto ad Cynosuram dirigenda sit prora, verum etiam fluxus & refluxus maris tempora accuratius obseruent, & tempestates ac mutationes aërias futuras præuideant, quæ partim ex stellarum ortibus & occasibus, partim etiam ex*



transitu planetarum per signa humida vel sicca, & ex congressibus ac aspectibus eorundem ad se inuicem, & ad stellas fixas, ex locis item Eclipsium & ex cometis quoq; dependent. Postremo etiam architectis suum praeſtat vsum vt tempeſtiue ſtrucluræ dent operam.

Hinc manifeſtum eſt eos vehementer hallucinari, qui Astrologiam (nam de Aſtronomia non ita controuertitur) iudicio non ſatis maturo funditus damnant & criminantur, non aliam ob cauſam, quàm quod coniecturis quibuſdam aliqua ex parte nitatur. Nam tamenſi nemo ſanæ mentis inſicias ire poterit quin multa ſint incerta, quæ pro certo euentura Astrologus prædicere non poteſt, & certam futurorum contingentium cognitionem inquirere, non modò impoſſibile, verùm etiam vanum, ſuperſtitioſum, diabolicum & ab Eccleſia damnatum eſt: non enim futuris contingentibus neceſſitatem imponunt cœleſtia ſidera. Tamen inclinationes hominum, aliarumue rerum, quæ verè ſunt effectus ſiderum, perſcrutari, ad electiones noſtras, ita vt Phyſicæ limites non tranſgrediamur, non malum neq; impium eſt.

Sint in ſigna & tempora & dies & annos.) Oſtendit Moſes Deum ideo ſolem & lunam & reliqua ſulgentia ſidera cœlo impreſſiſſe, vt & discrimina temporum efficiant, & aliquid ſignificent ſeu denuncient. Hoc igitur dicto Prognostica & iudicia Mathematicorum de futuris euentibus tanquam fundamento ſtabiliri complures exiſtimant.

Sunt autem futurorum euentuum genera, de quibus iudicia ſumuntur, in triplici discrimine. Alia enim ordine & poteſtate prima ſunt, & cauſam habent determinatam & inſallibilem; cuiuſmodi ſunt iudicia & prædictiones de ſolis & lunæ aliorumq; ſiderum motu, ortu & occaſu, & eorum inter ſe poſitu, de Eclipsibus luminarium & ſimilibus rebus, quarum præcognitio, cum, experientia teſte, ſit certiſſima; altera huic  
vicina



vicina, quæ de effectibus agit siderum, videlicet generalibus inferioris mundi accidentibus, de bello vel pace, de fame vel abundantia, de peste vel cæli clementia, de imperiorum & sectarum mutationibus, de grandine & imbre, de flatibus & vehementi elementorum commotione, de terramotibus alijsq; rebus, quæ ex naturalibus qualitatibus et influxu siderum dependent omninò incerta esse nequit. Alia sunt futura contingencia, quorum cum non sit determinata veritas, de ijs nulla possunt esse certa indicia seu veræ ac infallibiles prædictiones, neq; per Astrologiam, neq; per ullam aliam humanæ rationis scientiam, sed exiles tantum coniectura, quales sunt actiones hominum, quæ simpliciter & omni ex parte sunt voluntariæ, de illis nihil neq; veri neq; falsi certò prædici potest. Non enim anima hominis spiritualis, ut nec ei attributa voluntas, siderum cælestium imperio subiaceret. Id quod his versibus elegantissimis Poëta quidam expressit.

Sidera corporibus præsumt cælestia nostris,  
Sunt ea de vili condita namq; luto;  
Cogere sed nequeunt animum ratione fruentem,  
Quippe sub imperio solius ille Dei est.  
Sed quia terrestri mens aurea molè grauat.  
Sub iuga sæpe sui corporis acta venit.

Quædam sunt quæ causam quidem habent determinatam sed non prorsus infallibilem, de quibus Astrologi sæpe uerum et rectum iudicium, si non demonstrationibus infallibilibus, at saltem sufficienti ac probabili coniectura fundatum proferunt. Cuiusmodi sunt operationes & effectus, qui partim à voluntate hominis, partim ab influentijs cælestibus dependent, eamq; ob causam varij ac mixti sunt, prout homo constat duabus rebus, videlicet, anima rationali, quæ cælestis est & immortalis, & corpore, quod ex elementis conflatum caducum & mortale est. Sed quia ydem effectus seu operationes magis ad corpus accedunt



dunt quam animam, minusq; voluntati hominis, vt bona fortuna, corporis & animæ habitudo, veluti & sensus ac intellectus, & valetudo bona & infirma, vita breuitas & longitudo, & βίος & ἡμέρα mors, quæ vix hominis arbitrio aut sapientia regi vel moderari possunt: De his aliquantulum prædictiones, non tam speciales quam generales, fieri possunt: præcipue uero de affectionibus animiq; motibus in δυοκοσθεὶς & ἐπὶ ἡμετέραν, quæ licet voluntatem, & sui iuris est, in sua potestate non habeant; tamen eam saepe inclinant & flectunt, vt maxima pars hominum illis passionibus seu affectionibus, quàm rationis aut voluntatis imperio, magis obediat.

Cæterum varias inclinationes, actiones, studia & mores hominum ab astris originem ducere, quamuis sunt qui dubitant; tamen id argumentis minimè dubijs probari potest.

Constat primas qualitates ex Astrorum viribus cæliq; lumine oriri, & multifariam inuicem commisceri: Et quia ex diuersis earundem mixturis secunda qualitates, nempe 4. naturales humores in corporibus existunt, haud dubiè maxima fiunt in illis alterationes, ex quibus varia & diuersa causantur mixtiones, quas Græci κῆρες, Latini complexionēs ac temperamenta vocant: quæ temperamenta inquam, cū sequantur affectus animi; quid mirum, si varia hominum inclinationes & actiones & studiorum ac morum diuersitas inde quoq; proveniat? Sed de his iudiciorum & prædictionum generibus idè prolixius commentari libuit, vt intelligerent adulescentes, qui pietatis & honestatis prima tyrōnicia faciunt, vtramq; artem, tum eam, qua solis & lunæ reliquarumq; siderum motus, & inter se positus, quolibet tempore, deprehendimus; tum alteram etiam, qua mutationes in corporibus inde proficiscentes & ad eosdem motus congruentes, per naturales stellarum qualitates inquirimus & consideramus, voce & auctoritate diuina comprobari. Quapropter eadem artes, quæ  
vna



una cum Geometria & Arithmetica sub Mathesi compræhendantur, quæq; ad illam Philosophiæ partem, quæ deæginè dicitur, spectant, cum reliquis sunt coniungendæ, ita tamen ne quid studijs theologicis inde decedat. Et meminerint adolescentes, Astrologorum decreta in negotio salutis rebusq; diuinis prorsus inania esse & fallacia.

De operibus quinti diei.

Dixit autem Deus: producant aquæ reptile animæ viuentis, & volatile super terram sub firmamento cœli.) Hic 21. est versus, in quo describit reptilium animæ viuentis seu viuentium, id est piscium creationem, (sic enim apud Hebræos animalia reptilia vocantur quæcunq; pedibus carent) & volatiliū. Quorum naturas ac nomina & integras descriptiones Plinius tradit & Aristoteles.

Creauitq; cetæ grandia ) Cetos seu balenas miræ magnitudinis. כִּתּוֹ & יָם, in plurali כִּתּוֹת. quorum ideo peculiariter hic mentionem facit Moses, vt vel inde cognoscamus imensam Dei creatoris in hisce tantis creaturis sapientiam, potentiam & bonitatem, et ne fortè magnitudine illorum territi, existimemus spectra esse, sed magna Dei opt. max. opera. sicut eandem ob causam scriptura alibi maiorum piscium mentionem facit, vt Iob. 41. Spiritus S. descriptionem tradit Leuiathan.

Omne in animam viuentem ) id est, corpora viua, in quibus est anima siue halitus.

Benedixit illis) id est, verbo suo iussit pisces & aues commixtione seminum, foetura & prolificatione sæcunda ac felici propagari: sicuti videmus mirabilem & numerosam multiplicationem, imò prope infinitam sæcunditatem vtriusq; speciei, nempe auium & piscium. Hic obiter notandum est,

Deum benedictionis voce usum esse, non ad solem & lunam aut alias stellas reliquaq; inanimata, neq; ad herbas aut arbo-

F

ves



res, licet ipse anima prodita sunt vegetatiua. Illa enim omnia  
saltem bona esse, hoc est sibi placere dixit; sed viuis benedixisse  
& ad ea tantum benedictionis voce vsum esse, vt ostendat no-  
uum generationis modum; Quia animalia viua ex se sibi simi-  
lia generant corpora viua, quod non herbe, non frutices & ar-  
bores, multò minus stelle faciunt. Arbor enim non genera-  
tur ex arbore, vt quod pomus producit, non est pomus, sed po-  
mum: Sed quod homo generat, homo est, quod piscis vel auis  
prolificat, piscis & auis est.

De operibus sexti diei.

Dixit quoque DEVS, producat terra animam  
viuentem in genere suo, iumenta & reptilia & bestias  
terræ, secundum species suas: Factumque est ita.)

Hoc 24. versu creatio describitur. 1. Iumentorum, id est,  
animalium quadrupedum domesticorum seu cicurum, quæ  
ratione carent, quæque vt hominum arbitrio reguntur, ita illis  
in multiplices vsus inserviunt, & aliorum quæ carnibus non  
vescuntur, Hebræis בהמה Behemah dicta. 2. Reptilium  
humi repentium quales sunt serpentes. 3. Bestiarum, quæ vo-  
ce significantur lupi, leones, & animantia σαρκοφάγα.

Faciamus Hominem ad imaginem & similitudi-  
nem nostram, & præsit piscibus maris & volatilibus  
ecclî, & bestiis vniuersæque terræ, omnique reptili, quod  
mouetur super terram.) Hic versus 26. colloquium &  
consultationem continet S.S. Trinitatis, de formatione homi-  
nis ad imaginem Dei, de qua extant multa Scripturæ dicta,  
huc interpretationis vice referenda. Sap. 2. Quoniam Deus  
creauit hominem inextiminabilem, & ad imaginem simili-  
tudinis fecit illum. Inuidia autem Diaboli mors introiuit in  
orbem terrarum. Eccl. 17. Deus creauit de terra hominem  
& secundum imaginem suam fecit illum. &c. Iob. 10. Ma-  
nus tuæ fecerunt me & plasmauerunt me totum in circuitu.  
Psalm.



*Psalm. 118. Manus tua fecerunt me & plasmaverunt me, da mihi intellectum, ut discam mandata tua. Iacob. 3. Homines ad similitudinem Dei facti sunt.*

Locus tertius, de creatione hominis ad imaginem Dei, diligenter est observandus, quem Chytræus hunc textum enarrans luculenter euolvit atq; explicat. Nunc vocabula quadam hic posita sunt exponenda. Vox Hebræa אדם Adam, hominem significat, ex humo seu terra formatum. Et specificè utrumq; sexum masculum & femellam complectitur, aliàs nomen proprium est primi parentis nostri. עֵלֶם Zelem imaginem denotat alterius rei primariæ, & quasi umbram seu adumbrationem vel corporis vel rei alicuius primariæ: ut sit sensus, hominem conditum esse in imagine Dei, non quidem forma corporea, quanquam & ipsa quoq; ad dignitatem & præstantiam ac supereminentiam maxime appositæ est, sed sapientia seu vera Dei noticia, iusticia, sanctitate, immortalitate, libertate voluntatis & conformitate cum Deo reliquisq; virtutibus quæ in Deo relucent perfectissime.

Præsit piscibus) רָדָה Radah, potestatem exercere cœlius & dominium in personam aut rem aliquam subiectam & inferiorem significat, quale est domini in servum, regis in subditos.

Et creavit Deus hominem ad imaginem & similitudinem suam, ad imaginem Dei creavit illum, masculum & fœminam creavit illos.) Hic primum nomen ponit Moses speciei humanæ, deinde utriusq; sexus, masculi nimirum & fœminæ mentionem facit, ut ostendat mulierem factam esse à Deo consortem imaginis ac similitudinis diuinæ, & imperij quoq; super reliqua animantia, & communis possessionis in Oeconomia, prolis & facultatum seu fortunarum, imò etiam vitæ & gloriæ sempiternæ in futura vita: quemadmodum Petrus dicit eas cohæredes esse eiusdem gratiæ. 1. Pet. 3.



*Est tamen magna differentia sexus. Mas est ceu Sol in cœlo: Foemina velut Luna: reliqua animantia sunt velut stella. Ut enim Sol & Luna in stellas, sic quoq; Adam & Eva in omnia sibi subiecta animantia dominium obtinent.*

*Benedixitq; illis DEVS, & ait: Crescite & multiplicamini, & replete terram, & subiicite eam, & dominamini piscibus maris & volatilibus cœli & vniuersis animantibus, quæ mouentur super terram. ) In hoc 28. versu Moses ostendit, ut Deus cum homines primum fingeret, mirabili quadam providentia illis ingenerarit vim procreandi sobolem; ut legitima coniunctione ac commixtione seminum, totum genus humanum, præcipuè vero Ecclesia conseruaretur & propagaretur, donec compleretur electorum numerus; Et ut iusserit illos auctos numerosa prole totum terrarum orbem possidere & replere.*

*Dixitq; Deus: ecce dedi vobis omnem herbam afferentem semen super terram, & vniuersa ligna quæ habent in semet ipsis sementem generis sui: ut sint vobis in escam, & cunctis animantibus terræ, omniq; volucri cœli, & vniuersis quæ mouentur in terra, in quibus est anima viuens, ut habeant ad vescendum. ) His verbis manifestè ostenditur Dei bonitas & εὐλαβεία, qua huius sue creaturæ curam gerit & rationem habet, eiq; de victu prospicit ac consulit. Et simul haud obscure inde colligitur, primos parentes nostros, eorumq; posteritatem, primis duobus millenarijs vsq; ad diluuium simplicissimo cibo usos fuisse, nempe, radicibus, herbis & arborum fructibus, quam viuendi rationem longæuitatis ipsorum causam fuisse consentaneum est.*

*Hic obiter annotare placuit, quod Iosephus lib 1. Antiquitat. cap. 40. scriptum reliquit: Deum primos parentes & præsci seculi homines longæuos fecisse, ut siderum, præcipuè vero solis & lunæ cursus commodius obseruare & perscrutari possent.*



possent; quorum beneficio, spacia dierum, mensium, annorum  
& festorum discrimina constituuntur.

Locus quartus de Prouidentia. Cuius plurima  
apparent signa & illustria testimonia in homine *μικροκόσμος*,  
& in tota reliqua natura: quam intueri oportet, & in ea di-  
ligenter considerare, vniuersalem illam conseruationem rerum,  
& pulchritudinem & ordinem & perpetuitatem ac modum  
generationis ac propagationis specierum & plantarum, arbo-  
rum, fructuum, frugum, florum, leguminum, liquorum &  
aliarum rerum terra nascentium varietatem prope infinitam,  
& arcanas ac stupendas vires ipsis inditas; regulares item ratos  
& constantes caelestium corporum motus, ortus & occasus, quo-  
rum viribus & efficacia terra alijs foecundatur modica pluuia  
rigata & grato tepescit calore, alijs nimio aestu arescit, alijs  
astricta gelu quiescit; & quod non modò res nascentes, ad ani-  
mantium & precipuè hominum, victum & alias utilitates  
sint destinatae, verum etiam quod omnia alia ad certos vsus  
sint condita.

Huc testimonia scripturae, probantia Deum architectum  
esse prouidum, sapientem, omnipotentem, beneficum, & con-  
seruare ac sustentare naturam à se conditam, animantibus vi-  
tam & motum perpetuò suppeditare, precipuè verò hominum  
curam gerere, & omnia pro sua liberrima voluntate regere &  
gubernare, referantur Act. 17. In ipso viuimus, mouemur &  
sumus. Coloß. 1. Omnia per ipsum consistunt: Psal. 103. Omnia  
à te expectant, vt des illis escam in tempore. Psal. 35. Homi-  
nes & iumenta saluabis Domine.

Viditq; DEVS cuncta quæ fecerat, & erant  
valde bona. & factum est mane & vespere dies sextus.

Valde bona, id est, admodum Deo placebant, quia ab eo  
creata erant, & cum ipsius mente congruebant pulchrè ordina-  
ta, & destinata ad certos vsus ipsi placentes. Et hoc 31. versu  
totum caput clauditur.



## USVM PRIMICAPITIS

Et doctrinas præcipuas complectens.

**Q**uisquis es, ætherei sanctum venerare Pa-  
 Numen, et ipsius facta stupenda refer. (rentis  
 Qui mare, qui terras, depictaq; mœnia cœli  
 Solers miranda condidit arte sua.  
 Qui rutilo celeres Phœbo commisit habenas  
 Lucis, & igniferi sceptrum diurna globi.  
 At cum sideribus reliquis præfecit opacæ  
 Nocti, splendorem pulchra Diana tuum.  
 Qui iussit flores, herbasq; virere decentes,  
 Et terra fruges arboreasq; comas,  
 Ac fruticis genus omne, suisq; animalia formis  
 Produxit varijs cunctipotente manu:  
 Quæ vel in umbrosis discurrunt undiq; sylvis,  
 Indomita excelsi vel iuga montis amant,  
 Vel quæ prata colunt viridantia, quæq; perer-  
 Uberis ac leti pascua leta soli. (rant  
 Hæc Patris ætherei bonitas, hæc cuncta creavit  
 Vel solo nutu cunctipotente suo.

Tum



Tum qua proscindunt pinnis mare, & athera  
Findunt, ipsius composuere manus. (pennis  
Deniq<sup>3</sup> nos nostruq<sup>3</sup> genus formauit, et omnes,  
Quas tenet hic orbis diues & amplius, opes.  
En homini dulces cunctisq<sup>3</sup> animantibus escas  
Contribuit larga prouidus ille manu.  
Scilicet ut numenq<sup>3</sup> DEI, sanctumq<sup>3</sup> celebrent  
Perpetua nomen laudis honore suum.  
Ex imis igitur tibi pectoris usq<sup>3</sup> medullis  
Carminе gratifico concelebrandus erit,  
Gratifico cecinisse decet te carminе laudes  
Illius aternas, si pius esse velis.

VSVS SECVNDI  
Capiis.

Cum verbi virtute sui Mundum fabricasset  
Ex nihilo, Mundi maximus ille parens:  
Jamq<sup>3</sup> dicata sacris rebus placidaq<sup>3</sup> quieti  
Septima lux Domini post opus omne foret:  
Ex limo solers hominem formauit, ut esset  
Subiecti custos, cultor, honorq<sup>3</sup> soli.

F 4

Vtq<sup>3</sup>



Utq<sup>3</sup> creatoris referens lucem effigiemq<sup>3</sup>  
 Viueret Ambrosios clarus in orbe dies.  
 Dulcia cœlestis dedit huic spiracula vite,  
 Mentis & impressit semina dia sue.  
 Dehinc hilarem iussit speciosis ludere in hortis,  
 Decerptisq<sup>3</sup> bonis fructibus inde frui.  
 Nam per amœna DEV S latè viridaria dudū  
 Consequit, Ganges quā rigat amnis agros  
 Excultos auro & pomis radiantibus agros  
 Ac Paradisiaci florida prata soli.  
 Quaq<sup>3</sup> sui Gehon cursus primordia sumit,  
 Euphratesq<sup>3</sup> ingens, Tigris & unda rapax.  
 Atq<sup>3</sup> ibi mandavit frondentis robora sylvæ:  
 Floribus & folijs luxuriare sacris.  
 In quorum medio reliquis generosior arbor  
 Una stetit celebri conspicienda loco,  
 Fœta, aprica, ferax & fructus plena salubris,  
 Nomina viuificus cui dedit ampla vigor,  
 Prolixa vite quia gaudia vera sponndit  
 Humano generi fœtibus illa suis.  
 Hanc iuxta subijt crescens sublimis in auras  
 Æthereas patulis arbor amœna comis,

Formo.



Formosa aspectu, iucundo plena sapore,  
Frondeb ac pomis delictiosa suis.  
Arbor notitia dicta est prauisq; bonisq;  
Forsan ab euentu nomen adepta suum.  
Diuini siquidem fuit inuolabile pacti (bans  
Signu, hominis vitam spemq; fidemq; pro-  
Atq; monens fontem bonitatis ut omnis, et om-  
Laticia coleret tempus in omne Deum (nis  
Hac sanè humani voluit penetralia cordis  
Intima muniri Sceptryger ille parens,  
Ne qua mali hinc labes oreretur et impia noxa,  
Pœnaq; perfidia persoluenda foret.  
Quare homini cunctis, quos hortus Edenius  
Produxit, vesci fructibus ipse dedit. (olim  
Ast vetito iussit poma duntaxat & hisce  
Fœtibus arboreis abstinuisse manum.  
Ne scelere admissio mortem gustaret amaram,  
Ac fieret Diti prada cruenta malo.  
O utinam sacra seruasset fœdera legis  
Ipsaq; supremi scita verenda Patris.  
Non certè annoso longoq; fatisceret auo,  
Nec tanta humanum debilitate genus.

Tem-



Tempore non ullo moreretur morte nefanda.  
Nec fieret Stygio tetra carina duci.  
Porro magnificas cum iam rutilantis Olympi  
Et maris ac terræ constituisset opes:  
Bruta Deus iumenta, feras, pisces, volucresq;  
Subdidit humano protinus imperio.  
Cunctaq; primæuo coram sistebat Adamo  
Diuersa specie dispariliq; nota.  
Nomina præcipiens ut eis inscriberet apta,  
Ingenij solers pro ratione suæ.  
Unde liquet fuerit quantæ sapientiæ & artis,  
Et quantæ primus dexteritatis homo.  
Cum staret pacto verax & fœderis ictj  
Seruaret firma conditione fidem.  
Utpote quem largè multis ornavit & auxit  
Donis, immensus cunctipotensq; Pater.  
Cuius & è costa mulierem struxit, ut esset  
Adiutrix operum consilijq; potens.  
Multiplici numerans longaq; propagine natos  
Natorum, sancti pignora coniugij.  
Hic animo reputes fuerit quã blanda parentis  
Ætherei facies, quamq; benigna manus,

Quan-



Quanta voluptas, quis decor, & quæ gloria,  
In prima fuerit conditione status. (quisue  
Cum pius affatim sese oblectaret Adamus  
Læticia expletus delicijsq; bonis.  
Machina tunc cæli gemmata luce coruscans  
Divino prorsus plena decore fuit.  
Temperie fulsit verna atq; illustribus aër  
Auricomus radijs pulcher Apollo tuis.  
Piscibus vnda freti tunc subsultabat aquosis,  
Innumeris rutilans gurgite ceruleo.  
Omniparens lætis segetes tulit undiq; tellus  
Nullaq; non valde fertilis arbor erat.  
Usq; virens aëribus resonabat sylva canoris,  
Usq; suum tenuit qualibet herba decus.  
Non lethalis hyems, non intolerabilis æstas,  
Nec frutici reliquus pestifer annus erat.  
Grex armentorum semper ludebat & errans  
Pinguè renidebat lœta per arua pecus.  
Sidus erat pulchrum terris homo, vertice sacro  
Aureolis circum quaq; nitente comis.  
Nullus adhuc Euam pudor obruit, ut nec Ada-  
Non cor illorū culpa premebat edax. (mum


In-




Inson namq, fuit, fuit & tunc nudus uterq;  
Innocua vitam simplicitate gerens  
Illius ergo sacros merito venereris honores  
Qui tanta sapiens condidit artis opus.  
Quem cælum venerans, et terra pontus adorat  
Et teres ac vastus quicquid hic orbis habet  
Supplicibus votis hunc tu reuerenter adores,  
Ac timeas Dominum corde micante Deū.  
Quo nil est maius, nihil est sublimius et quem  
Gloria, laus, virtus, imperiumq; decent.
































*Det kgl. Bibl. Bogh.*